



სსიპ ბათუმის შოთა რუსთაველის  
სახელმწიფო უნივერსიტეტი

20 დეკემბერი, 2023 წ

ბრძანება № 01-02/233

„ბსუ-ს პროფესიული საგანმანათლებლო პროგრამების განმახორციელებელი პერსონალის შერჩევის, სამუშაო დატვირთვის განსაზღვრისა და შრომის ანაზღაურების გაცემის წესის დამტკიცების შესახებ“ ბსუ-ს რექტორის 2018 წლის 21 ნოემბრის N01-08/169 ბრძანებაში ცვლილებების და დამატებების შეტანის თაობაზე

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, ბსუ-ს წესდების მე-13 მუხლის, პროფესიული განათლების შესახებ“ საქართველოს კანონის, „ბსუ-ს დამხმარე საგანმანათლებლო სტრუქტურული ერთეულის „პროფესიული პროგრამების მართვისა და უწყვეტი განათლების ცენტრი“-ს შექმნისა და მისი დებულების დამტკიცების თაობაზე“ ბსუ-ს წარმომადგენლობითი საბჭოს 2018 წლის 5 ოქტომბრის N02 გადაწყვეტილების, „ბსუ-ს პროფესიული საგანმანათლებლო პროგრამების შემუშავების, შეფასებისა და განვითარების უზრუნველყოფის წესის დამტკიცების შესახებ“ ბსუ-ს აკადემიური საბჭოს 2019 წლის 6 თებერვლის N06-01/07 დადგენილების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 8 თებერვლის N01-02/11 ბრძანების, „ბსუ-ს პროფესიული პროგრამების მართვისა და უწყვეტი განათლების ცენტრის პროფესიული პროგრამების მართვის მიმართულებით დასაქმებული პერსონალის ფუნქციათა (სამუშაო) აღწერილობის დამტკიცების შესახებ“ ბსუ-ს ადმინისტრაციის ხელმძღვანელის 2022 წლის 20 ივნისის N01-10/67 ბრძანებისა და პროფესიული პროგრამების მართვისა და უწყვეტი განათლების ცენტრის დირექტორის მადონა მიქელაძის 2023 წლის 12 დეკემბრის N1699689 სამსახურებრივი ბარათის საფუძველზე:

ვ ბ რ ძ ა ნ ე ბ ა:

1. „ბსუ-ს პროფესიული საგანმანათლებლო პროგრამების განმახორციელებელი პერსონალის შერჩევის, სამუშაო დატვირთვის განსაზღვრისა და შრომის ანაზღაურების გაცემის წესის დამტკიცების შესახებ“ ბსუ-ს რექტორის 2018 წლის 21 ნოემბრის N01-08/169 ბრძანებაში, კერძოდ კი N1 დანართში (წესი) შევიდეს შემდეგი ცვლილებები და დამატებები:

ა) მე-2 მუხლის 1-ლი და მე-2 პუნქტები ჩამოყალიბდეს შემდეგი რედაქციით:

„1. ბსუ-ს პროფესიული საგანმანათლებლო პროგრამების მოდულებს წარმართავენ

წინამდებარე წესის შესაბამისად მიღებული (მოწვეული) პროფესიული განათლების მასწავლებლები, რომლებიც:

ა) უნდა ფლობდნენ შესაბამის პროფესიასთან დაკავშირებულ ცოდნასა და პრაქტიკულ უნარებს და შეეძლოთ: პროფესიის დაუფლებაში სტუდენტების დახმარება; სახელმწიფო ენაზე სასწავლო პროცესის წარმართვა და სასწავლო პროცესთან დაკავშირებული დოკუმენტებისა და ლიტერატურის გაგება;

ბ) უნდა ფლობდნენ საგანმანათლებლო პროგრამის შესაბამისი სწავლის შედეგების გამომუშავების და მიღწეული სწავლის შედეგების შეფასების კომპეტენციას, რაც შესაძლებელია დადასტურდეს: შესაბამისი განათლების დამადასტურებელი დოკუმენტებით (პროფესიული ან/და უმაღლესი განათლების დიპლომი ან/და სამუშაო გამოცდილებით (ცნობა მუშაობის გამოცდილების შესახებ) ან/და წინმსწრები (ფორმალური, არაფორმალური მ.შ უცხოეთში მიღებული) განათლების აღიარების დოკუმენტით ან/და შესაბამისი პროფესიული საგანმანათლებლო პროგრამის მოდულის სწავლების მიზნებისათვის ბსუ-ს მიერ ჩატარებულ ტრენინგში ან/და გარე პროვაიდერების მიერ ჩატარებულ ტრენინგებში მონაწილეობის შედეგებით (ტრენინგებში მონაწილეობის მატერიალურ მტკიცებულებებად განიხილება: სერტიფიკატები ან/და დასწრების ფურცლები). პროფესიულ მასწავლებელთა კომპეტენციების ირიბ დადასტურებად შესაძლოა ჩაითვალოს სტუდენტების კითხვარების, ასევე შიდა მონიტორინგის ან ვერიფიკაციის შედეგების ანალიზი.

2. პროფესიული განათლების მასწავლებლის მიერ საქმიანობის დაწყება, მისი პროფესიული განვითარება და კარიერული წინსვლა ხდება პროფესიული განათლების მასწავლებლის საქმიანობის დაწყების, პროფესიული განვითარებისა და კარიერული წინსვლის წესისა და პირობების და პროფესიული საგანმანათლებლო დაწესებულების მასწავლებლის პროფესიული სტანდარტის შესაბამისად. ბსუ-ს პროფესიული განათლების მასწავლებლის პოზიციაზე არ შეიძლება დასაქმდეს „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლელი პირი ან/და პირი, რომელსაც იმავე კანონის საფუძველზე სასამართლომ ჩამოართვა საგანმანათლებლო დაწესებულებაში საქმიანობის უფლება.

ბ) მე-2 მუხლის 2<sup>1</sup> პუნქტი ამოღებული იქნეს;

გ) მე-2 მუხლის მე-4 პუნქტი ჩამოყალიბდეს შემდეგი რედაქციით:

„4. პროფესიული განათლების მასწავლებელთა შესარჩევი კონკურსის გამოცხადების შესახებ ბსუ-ს რექტორის ბრძანება გამოიცემა ბსუ-ს პროფესიული პროგრამების მართვისა და უწყვეტი განათლების ცენტრის დირექტორის დასაბუთებული სამსახურებრივი ბარათის საფუძველზე, რომელშიც უნდა მიეთითოს: პროფესიული საგანმანათლებლო პროგრამა; სასწავლო მოდულის დასახელება; პროგრამის და მოდულის განხორციელების ვადები; მისაღები პერსონალის მიერ შესასრულებელი სამუშაო დატვირთვის მოცულობა საათებში; სამუშაოს დაწყების და დასრულების დრო; კონკურსის ვადები (კონკურსის გამოცხადება; დოკუმენტაციის მიღება; კონკურსის ჩატარება; შედეგების გამოცხადება და კონკურსის საორგანიზაციო სხვა საკითხები).“

დ) მე-2 მუხლის მე-6-მე-9 პუნქტები ჩამოყალიბდეს შემდეგი რედაქციით:

„6. ცენტრის დირექტორის სამსახურებრივი ბარათის საფუძველზე ამ წესით შერჩეულ მასწავლებელთან ფორმდება შრომითი ხელშეკრულება, რექტორის ბრძანებით დამტკიცებული ფორმის შესაბამისად. ბსუ-ს პროფესიული საგანმანათლებლო პროგრამის დამატების შესახებ ბსუ-ს განაცხადის წარდგენის შემთხვევაში მოსაწვევ პროფესიული განათლების მასწავლებელთან ფორმდება პირობითი შრომითი ხელშეკრულება, რექტორის ბრძანებით დამტკიცებული ფორმის შესაბამისად.

7. ბსუ-ს პროფესიული სტუდენტებისათვის სასწავლო პროცესის წარმართვის მიზნით, ბსუ-ს რექტორის ბრძანებით მტკიცდება წინამდებარე წესით შერჩეული პროფესიული განათლების მასწავლებლების სამუშაო დატვირთვა.

8. მასწავლებელთა სამუშაო დატვირთვის განსაზღვრის შესახებ ბსუ-ს რექტორის ბრძანება გამოიცემა ცენტრის დირექტორის სამსახურებრივი ბარათის საფუძველზე, რომელსაც თან ერთვის თითოეული მასწავლებლის მიერ ხელმოწერილი „შეთანხმება სამუშაო დატვირთვის შესახებ“ (შემდეგში „შეთანხმება“, შევსებული წინამდებარე წესზე თანდართული N1 ფორმის შესაბამისად).

9. პროფესიული განათლების მასწავლებლის მიერ შევსებული შეთანხმების ფორმა შეიცავს შემდეგ ინფორმაციას:

ა) პროფესიული საგანმანათლებლო პროგრამის სახელწოდება და დონე;

ბ) პროგრამის განხორციელების ვადები;

გ) პროფესიული განათლების მასწავლებელი (სახელი, გვარი, პირადი ნომერი);

ე) მოდულის დასახელება;

დ) მოდულის განხორციელების პერიოდი და ადგილი (მისამართი, შემდეგში - მასწავლებლის სამუშაო ადგილი);

ე) პროფესიულ სტუდენტთა რაოდენობა, სალექციო/პრაქტიკული ჯგუფების რაოდენობა, პრაქტიკული ჯგუფების რაოდენობა, კრედიტების რაოდენობა, საათების რაოდენობა (საკონტაქტო, შეფასება, დამოუკიდებელი), სულ ასანაზღაურებელი საათების რაოდენობა.“;

ე) მე-3 მუხლი ჩამოყალიბდეს შემდეგი რედაქციით:

1. პროფესიული განათლების მასწავლებელთა სამუშაო დატვირთვის განსაზღვრის შესახებ ბსუ-ს რექტორის ბრძანებით განისაზღვრება (აისახება):

ა) პროფესიული საგანმანათლებლო პროგრამის დასახელება;

ბ) განსახორციელებელი მოდული;

გ) პროგრამაზე მასწავლებლის საერთო სამუშაო დატვირთვა (საათების რაოდენობა);

დ) პროგრამაზე მასწავლებლის საერთო სამუშაო დატვირთვის შესრულების პერიოდი და ადგილი;

ე) ინფორმაცია პროფესიული განათლების მასწავლებლის მიერ ბსუ-ში დაკავებული თანამდებობის (არსებობის შემთხვევაში); მასწავლებლის სამუშაო დატვირთვის სხვა ბრძანებების; მოქმედი შრომითი ხელშეკრულების ვადის ან/და ახალი ხელშეკრულების გაფორმების საჭიროების შესახებ;

2. პროფესიული განათლების მასწავლებლის სამუშაო დატვირთვაში, გარდა ბსუ-ს რექტორის ბრძანებით განსაზღვრული და სასწავლო გეგმების/ცხრილების შესაბამისად

(ლექცია/პრაქტიკული/შეფასება/დამოუკიდებელი მუშაობა) შედის:

- ა) სტუდენტთა შეფასების ინსტრუმენტების მომზადება, მონაწილეობა მათი ვალიდაციის პროცესში, სტუდენტის მიერ შესრულებული ნაშრომის შეფასება, სტუდენტისთვის შეფასების შედეგების გაცნობა და უკუკავშირი განმავითარებელი შეფასების მიზნით;
  - ბ) პროფესიული სტუდენტის სწავლის შედეგების დამადასტურებელი დოკუმენტების შენახვა და მოდულის დასრულებისთანავე ცენტრისათვის გადაცემა;
  - გ) პროფესიულ სტუდენტისთვის კონსულტაციისა და მხარდაჭერის გაწევა აკადემიური მიღწევების გაუმჯობესების მიზნით;
  - დ) შუალედური შეფასებისა და საკვალიფიკაციო გამოცდის ორგანიზება/ჩატარებაში მონაწილეობა (საჭიროების შემთხვევაში);
  - ე) პროფესიული საგანმანათლებლო პროგრამის ხელმძღვანელობა (საჭიროების შემთხვევაში);
  - ვ) საკუთარი პროფესიული განვითარების ღონისძიებებში მონაწილეობა, მათ შორის ბსუ-ს მიერ ორგანიზებულ ტრენინგ-კურსებზე და შეხვედრებზე დასწრება;
  - ვ) სხვადასხვა სამუშაო ჯგუფების თუ მართვის კოლეგიალური ორგანოების მუშაობაში მონაწილეობა;
  - ზ) შესაბამისი პროფესიული სტანდარტით დადგენილი დამატებითი მოთხოვნების შესრულება (თუკი ასეთს ითვალისწინებს);
  - თ) მოდულის განხორციელების მიზნებისათვის ცენტრისა და ბსუ-ს ადმინისტრაციის მითითებების/სამართლებრივი აქტების მოთხოვნების შესრულება.
3. პროფესიული განათლების მასწავლებელთა სამუშაო დატვირთვის განსაზღვრის შესახებ ბსუ-ს რექტორის ბრძანება, ასევე შრომით საქმიანობასთან დაკავშირებულ ბსუ-ს სამართლებრივ აქტებში (შინაგანაწესში, ეთიკის კოდექსში, სხვადასხვა საუნივერსიტეტო რეგულაციებში) შეტანილი ცვლილებების შესახებ სამართლებრივი აქტები, ცენტრის მიერ ეგზავნება შესაბამის პროფესიული განათლების მასწავლებლებს და პროფესიული პროგრამის ხელმძღვანელ(ებ)ს, მათ მიერ შრომით ხელშეკრულებაში/შეთანხმებაში აღნიშნულ ელექტრონულ ფოსტაზე.“;

ვ) მე-4 მუხლის მე-2 და მე-3 პუნქტები ჩამოყალიბდეს შემდეგი რედაქციით:

„2. პროფესიული განათლების მასწავლებელი შედეგის/მოდულის დასრულების შემდეგ ავსებს „შესრულებული სამუშაოს ანაზღაურების განაცხადს“ (ამ წესის თანდართული N2 ფორმის შესაბამისად) და დამადასტურებელ დოკუმენტაციასთან (პროფესიული სტუდენტის აღრიცხვის ფურცელი; სტუდენტის შეფასების უწყისი, სწავლის შედეგების დამადასტურებელი დოკუმენტაცია) ერთად წარუდგენს ცენტრს (მათი მიღება ფიქსირდება შესაბამის ჟურნალში).

3. ცენტრი ახდენს წარდგენილი „შესრულებული სამუშაოს ანაზღაურების განაცხადისა“ და თანდართული დოკუმენტების დამუშავებას და ამზადებს ადმინისტრაციის ხელმძღვანელის ბრძანების პროექტს შესაბამისი პროფესიული განათლების მასწავლებლის შრომის საათობრივი ანაზღაურების გაცემის შესახებ.“;

ზ) ახალი, წინამდებარე ბრძანებაზე თანდართული რედაქციით (დანართი N1) ჩამოყალიბდეს წესის N1 და N2 ფორმები (N1 ფორმა - შეთანხმება სამუშაო დატვირთვის შესახებ; N2 ფორმა - შესრულებული სამუშაოს ანაზღაურების განაცხადი).

2. წინამდებარე ბრძანებით განხორციელებული ცვლილებების გათვალისწინებით მომზადდეს კოდიფიცირებული „ბსუ-ს პროფესიული საგანმანათლებლო პროგრამების განმახორციელებელი პერსონალის შერჩევის, სამუშაო დატვირთვის განსაზღვრისა და შრომის ანაზღაურების გაცემის წესი“ და განთავსდეს ბსუ-ს ვებგვერდის შესაბამის ველებში.
3. პროფესიული პროგრამების მართვისა და უწყვეტი განათლების ცენტრმა უზრუნველყოს „ბსუ-ს პროფესიული საგანმანათლებლო პროგრამების განმახორციელებელი პერსონალის შერჩევის, სამუშაო დატვირთვის განსაზღვრისა და შრომის ანაზღაურების გაცემის წესის“ გაცნობა შესაბამისი პერსონალისათვის.
4. ბრძანება დაეგზავნოს ადმინისტრაციის ხელმძღვანელს, ბსუ-ს ხარისხის უზრუნველყოფის სამსახურს, რექტორის მოადგილეებს, პროფესიული პროგრამების მართვისა და უწყვეტი განათლების ცენტრს, იურიდიულ დეპარტამენტს, საინფორმაციო ტექნოლოგიების სამსახურს.
5. ბრძანება ძალაში შევიდეს გამოცემისთანავე.
6. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის ქ. N30).

რექტორი, პროფესორი

 მერაბ ხალვაში



„ბსუ-ს პროფესიული საგანმანათლებლო პროგრამების განმახორციელებელი პერსონალის შერჩევის, სამუშაო დატვირთვის განსაზღვრისა და შრომის ანაზღაურების გაცემის წესის

N2 ფორმა

„შესრულებული სამუშაოს ანაზღაურების განაცხადი“

პროფესიული განათლების მასწავლებლის სახელი, გვარი, პირადი ნომერი	
ბსუ-ში მოქმედი შრომითი ხელშეკრულების თარიღი და ნომერი	
შრომითი ხელშეკრულების მოქმედების ვადა	
პროფესიული საგანმანათლებლო პროგრამის სახელწოდება და დონე	
მოდულის სახელწოდება	
მოდულის დაწყებისა და დასრულების თარიღი	
პროფესიული სტუდენტების ჯგუფების რაოდენობა	
ჩატარებული სამუშაო - საკონტაქტო საათების რაოდენობა	
შეფასების საათების რაოდენობა	
სულ ასანაზღაურებელი საათების რაოდენობა	
პროფესიული განათლების მასწავლებლის ხელმოწერა	
განაცხადის შევსების თარიღი	
პროფესიული პროგრამების მართვისა და უწყვეტი განათლების ცენტრის სასწავლო პროცესის მართვის მენეჯერის ხელმოწერა	<input type="checkbox"/> ვადასტურებ <input type="checkbox"/> არ ვადასტურებ (განიმარტება მიზეზი) _____
პროფესიული პროგრამების მართვისა და უწყვეტი განათლების ცენტრის ფინანსური მენეჯერის ხელმოწერა	<input type="checkbox"/> ვადასტურებ <input type="checkbox"/> არ ვადასტურებ (განიმარტება მიზეზი) _____ _____
განაცხადის ცენტრის მიერ დამოწმების თარიღი (ივსება ფინანსური მენეჯერის მიერ)	

პროფესიული პროგრამების მართვისა და უწყვეტი

განათლების ცენტრის დირექტორი: \_\_\_\_\_